

從軍北閼漫筆

從軍北伐漫筆

國民革命軍克武漢二年

浙水異生著
王祺書發

序

丙寅秋。予自粵間道北上。經五十餘日。抵漢皋。一肩行李。正在覓宿。忽遇異生於途。拉予入行營。暢談往事。意興綦濃。嗣見其案頭。實從軍漫筆稿一束。隨取讀之。既竟。不覺離座而言曰。善哉。此作也。以漫筆之名。而將遊記。戰史。風土誌等。冶爲一爐。體製之妙。歎觀止矣。且如許事實。縮於簡編。無累牘之繁。有雋永之勝。益覺難能可貴。善哉。此作也。抑予更有感焉。異生。予鄉人。曩予東渡求學時。已嶄然露頭角。第恐其年少易盈。中途自畫。比返國。任事粵東。聞其業益進。志益堅。予於是心焉慕之。客冬。

異生應黃埔軍校之召。翩然蒞粵。時予從政寧陽。相見甚希。未獲多叙。今次聆其言論。觀其著作。果非昔日阿蒙。進境之速。竟有大可驚人者。積學之功乎。歷年環境使然乎。遊覽名山大川之所致乎。予不敏。無以自解。爰綴數語。還置異生。並速其付鐫。以餉同志。

丙寅暮秋周愈行序於黃鶴樓畔

例言

一。本稿有一部分已在報紙披露。以未受酬金。故著者可自由發刊。特此聲明。

一。本稿記載。以截至著者抵漢口之日爲止。

一。本稿所載月日。概從陽歷。

一。本稿標點。以舊式爲政。然有時因欲求閱覽之便利。間亦參用新式者。

一。本稿正文各篇次序。以時間先後爲準。

一。本稿句縫間小註。乃付印時臨時添插。但求詞達。不計工拙。尙祈閱者見諒。

從軍北伐漫筆

一。本稿著者。備員於總司令部秘書處。故所載人物。多係秘書處之職員。又文中有云「本處」即秘書處也。

一。本稿序後「行途摘要」一篇。是從著者日記中錄出。所以備參攷耳。

行途摘要

七月二十三日自廣州出發。深夜抵曲江。

關即韶

二十四日休息。

二十五日離曲江之橫村。

二十六日到樂昌。

二十七日休息。

二十八日舍九峯。

二十九日度蔚嶺關。舍塘村。

三十日舍良田。

三十一日離良田到郴州。秘書處電務員李錦威同志病斃途中。

八月一日休息。

從軍北伐漫筆

八月二日離郴州。山行四十里。乘舟順流而下。

三日經永興。

四日經耒陽。

五日經新城。

六日抵衡州。營址待定。仍宿舟中。

七日入行營。設東郊第三女子師範

八日行營遷駐城中。

九日總司令蒞衡。

十日總司令召集上尉以上官佐訓話。夜赴長沙督師。

十三日申刻狂風。

十四日腹夜鳴。

十五日秘書處職員半赴前方。

八月十六日病瀉。

十七日瀉加劇。

十八日病危。入病院。前方下總攻擊令。

十九日病如故。岳州克復。

二十日病微減。

二十一日病有起色。

二十二日病狀漸佳。食量亦稍增。

二十四日午後。摒擋行裝。決計出院赴前方。夜登舟。

二十六日經朱亭。

二十七日舟抵株洲。易車。

粵漢車

之長沙。夜附軍車北進。

二十八日車停汨羅站。

二十九日到岳州。登岳陽樓。訪魯肅墓。遊小喬墳。

九月一日盛傳已克武漢。

四日午夜聞砲聲甚厲。

六日我軍佔陽夏。岳州民衆舉行慶祝武漢勝利大會。

八日傍午有飛機自南來折而東。

十二日中午聞砲聲。

十五日夜又聞砲聲。

十七日晚岳州行營遷長沙待命。

十八日總司令過長沙入贛。

十九日奉命過回後方。

二十日宿南湖。

二十一日渡大江經漢陽達夏口。

從軍北伐漫筆目錄

目次

序文

例言

行途摘要

卷頭小語

黃沙一瞥

廣韶途中

工人程度

從軍北伐漫筆

一

三：：四

二：：三

一：：二

：：一

行軍生活

.....四

道旁裸尸

.....五

履險如夷

.....六

幸與不幸

.....六：：：七

湘粵之交

.....八

王者之師

.....九：：一〇

鄰城花絮

.....一〇：：一一

之衡紀程

.....一一：一二

衡垣風光

.....一二：一三

虎口餘生

.....一三：一五

汨羅遇驚	．．．．．	一五：一六
驚喜交集	．．．．．	一六：一七
病後心理	．．．．．	一七：一八
巴陵勝蹟	．．．．．	一八：二〇
軍中書稿	．．．．．	二〇
半夜炮聲	．．．．．	二一：二二
快事快語	．．．．．	二二：二四
藥石名言	．．．．．	二四：二六
武長車中	．．．．．	二六：二七
戰地光景	．．．．．	二七：二八

從軍北伐漫筆

四

渡江誌感 · · · · · 二八

武漢行營 · · · · · 二九：三〇

編餘瑣話

從軍北伐漫筆

浙水異生著

卷頭小語

異生無文。而雅好柔翰。茲番北伐軍興。猥以文書微職。抱牘隨師。自粵而湘而鄂。爲時六旬。歷程二千餘里。軍次得暇。輒伸簡亂塗。或寫所見。或錄所聞。或抒所感。或載所歷。成則納諸篋中。今出檢視。獲若干則。黃花之詔。雖所難免。而留誌鴻爪。未始不可藉以自解也。爰畧事整理。題曰「從軍北伐漫筆」。

一五，九，二九，誌於武漢行營秘書處

黃沙一瞥

總司令部以七月二十三日出發。由廣州至韶關。有粵漢南段鐵路可通。是日清晨。予往黃沙車站候車。時總部所屬各部處官佐兵夫。紛紛麇集。負者。擔者。提者。舁者。挾者。坐者。蹲者。荷槍。鵠立者。執鞭。指揮者。且行且語者。倏往倏來者。狀至紊繁。呀。許。聲。呼。喚。聲。喝。令。聲。哨。笛。聲。鞭。炮。聲。小販叫賣聲。民衆歡呼聲。汽笛。嗚。嗚。聲。機輪。轉。轉。聲。雜然並作。震耳欲聾。爾時黃沙空氣。頓現緊張之象。宛似閭閻市肆間。告火警者。予本書生。初未嘗經此情況。一朝親歷其境。惴惴不能自安。默忖異日逼近火線。其可驚當有倍蓰於是者。不識又將何如。

廣韶途中

—廣州至韶關—

車啟行矣。機輪輾輾轉動。細聆其聲。若曰「曷速北伐。」曷速北伐。」是物也。得毋亦同情於北伐耶。不覺一笑。廣韶相距約七百里。多山而希曠野。車行所經時。見穿巖鑿石以通車者。工程之大。自無待言。道旁村民。俟車過時。有然放爆竹以示歡送者。有拍掌高呼「北伐勝利」之口號者。南中民意。可睹一斑。向暮。口渴甚。適抵英德。粵屬縣治車稍停。予遣兵下車覓水。頃之。笛鳴輪動。兵猶未回。予恐其落後也。臨窺而急喚之。猶徐徐其行。不動聲色。幸車行尚緩。得攀援而上。予方責其遲滯誤事。謔者謂其鎮靜態度殊可嘆服。聞者閔然。兵曾姓。湘人。

工人程度